

आकाशवाणी

खास खबरां

- 1 प्रधानमंत्री नरेन्द्र मोदी होरें वायनाड च होए दे ल्हास पस्सियां पौने आली थाहरां दा हवाई सर्वेक्षण कीता ते राहत प्रयासें च हर मुमकन सैहयोग देने दे बारे आखेआ।
- 2 राष्ट्रपति द्रौपदी मुर्मू होरें गी तिनोर लेस्ते दे सब्बने शा बड्डे नागरिक सम्मान कन्ने सम्मानित कीता गेआ ते दौनें देशें बश्कार दपक्खी सैहयोग पर चर्चा कीती गई।
- 3 विदेश मंत्री डॉ. एस.जयशंकर होरें आखेआ जे भारत मालदीव कन्नै खित्ते दे लोकें दे लाह लेई रिश्ते गी होर डूहंगा करने लेई वचने बज्झी दी ऐ।
- 4 बंगलादेशक मुख न्यायधीश अबेदुल्ल हसन होरें प्रदर्शन दे चलदे अपने औहदे मिमां स्तीफा देई दित्ता।
- 5 इजराइल आस्सेआ इक स्कूल पर कीते गेदे हमले च 93 फलसतीनी मारे गे न।
- 6 पैरिस ओलंपिकस च रीतिका हुड्डा होरें गी महिलाएं दे 76 किलोग्राम फ्री स्टाइल कुश्ती मकाबले दे क्वार्टर फाइनल च विश्व नंबर 1 खडारी शा हार दा सामना करना पेआ।
- 7 भारतीय मोसम विभाग नै कल तोड़ी मुखें दे उत्तरी हिस्से च भारी थमां मती गै भारी बरखें दी पेशगोई कीती ऐ।

<><><><><><>

PM-Kerala

प्रधानमंत्री नरेन्द्र मोदी होरें केरल दे वायनाड च ल्हास पस्सियां कारण प्रभावत इलाकें च राहत जतने च हर मुमकन मदाद दा भरोसा जताया ऐ। अज्ज प्रभावत इलाकें दा दौरा करने दे परेंत मोदी होरें आखेआ जे इस कठन घड़ी च समूलचा मुख प्रभावत लोकें कन्नै ऐ ते केन्द्र सरकार प्रभावत लोकें दे पुर्नवास दे कम्में च सैहयोग लेई कोई कसर नेई छोड़ग। ल्हास पस्सिएं कारण होए दे नुक्सान दा जायजा लैने दे बाद मोदी होरें केरल सरकार गी आखेआ जे पेहे दी कमी कुसै बी राहत कम्में च रुकावट नेई बनना लोड़चदी। उनें राहत केंपें ते अस्पताल च दाखल लोकें कन्नै बी गल्लबात कीती। उनें अत्तामाला, मुंडक्की ते पंचिरी बटटोम इलाके दा ब्हाई सर्वेक्षण बी कीता।

<><><><><><>

President

राष्ट्रपति द्रौपदी मुर्मू होरें गी तिमोर लेस्ते दे सब्बने शा बड्डे नागरिक सम्मान ग्रेड कोलर ऑफ आर्डर कन्नै नवाजेआ गेआ। राष्ट्रपति जोसे-रामोस-होर्ता होरें दिली च राष्ट्रपति मैहल च उनेंगी एह सम्मान प्रदान कीता। राष्ट्रपति होरें राष्ट्रपति होर्ता ते प्रधानमंत्री गुसमाओ कन्नै दपक्खी सैहयोग दे बारे चर्चा कीती। आकाशवाणी संवाददाता दी रिपोर्ट मूजब अपने हमरूतबा कन्नै दपक्खी चर्चा दे बाद संवाददाताएं गी संबोधत करदे होइ राष्ट्रपति मुर्मू होरें आखेआ जे भारत ते तिमोर लेस्ते मित्री दा बड़ा गै डूहंगा रिश्ता ते लोकतंत्र ताई वचनबद्धता सांझा करदे न। राष्ट्रपति मुर्मू होरें आखेआ जे दौनें मुख तिमोर लेस्ते दा अंतर्राष्ट्रीय सौर म्याल च जुड़ने दा ते आपदास प्रबंधन बुनियादी ढांचे च जुड़ने दी संभावनाएं दा पता ला'रदियां न। राष्ट्रपति होर्ता होरें भारतीय लोकतंत्र दी भावना गी सराहाया ते आईटी डिजीटल बुनियादी ढांचे, मैडिकल ते दुआइए सरबन्धी क्षेत्र ते होरने च मद लेई आह्वान कीता।

<><><><><><>

विदेश मंत्री डॉ. एस.जयशंकर होरें आखेआ जे भारत मालद्वीप कन्नै दौनें देशें ते खित्ते दे लोकें दे लाह लेई रिश्ते गी गैहरा करने लेई वचने बज्जी दी ऐ। डॉ. जयशंकर होर मालद्वीप दी त्रुं दिनें दी अधिकारिक यात्रा पर न, होरें एक्स उप्पर राष्ट्रपति डॉ. मोहम्मद मोइजू हुंदे नै बैठका दे बाद इस गल्ल दी जानकारी दित्ती। डॉ. जयशंकर होरें द्वीप राष्ट्रें दे रक्षा मंत्री मोहम्मद घासन मोउमून हुंदे नै बी मलाटी लाई। उनें रक्षा, सुरक्षा सैह्योग, समुंद्री सुरक्षा लेई सांझा पैहल, खित्ते च शांति ते रमानदारी बरकरार रखने लेई सांझा हितें दे बारे चर्चा कीती। विदेश मंत्री होरें आर्थिक विकास ते बपार मंत्री, खजाना मंत्री ते मालद्वीप मौद्रिक प्राधिकरण दे गवर्नर कन्नै बी मलाटी लाई। मगरा डॉ. जयशंकर होरें मालद्वीप दे 28 द्वीपें च जल ते स्वच्छता सरबंधी परियोजना दा वर्चुअल ढंगै नै उद्घाटन कीता।

<><><><><><>

Bangladesh

बंगलादेश च सुप्रीम कोर्ट दे मुख् न्यायधीश ओबेदुल हसन होरें अपने औहदे थमां स्तीफा देने दा फैसला कीता ऐ। ओह अपना स्तीफा किश औपचारिकता मगरा राष्ट्रपति गी सौंपी देंगन। उनें एह गल्ल च सुप्रीम कोर्ट परिसर च मीडिया गी इस बारे जानकारी दित्ती। उंदा एह फैसला अज्ज बडलै शनिवार गी विद्यार्थिएं दे प्रदर्शन मगरा उनेंगी ते अपील सरबंधी प्रभाग गी दपैहरी 1 बजे तोड़ी स्तीफा देने तांइ चेतावनी दित्ती गई ही। एहदे कोला पैहले विद्यार्थिएं, वकीलें ते होरने लोक सुप्रीम कोर्ट परिसर च जमा होई गे ते मुख् न्यायधीश ते होरें न्यायधीशें गी 1 बजे तोड़ी स्तीफा देने लेई आखेआ ते जेकर ओह इंआ नेइ करदे तां उंदे घरें दी घेराबंदी करने दी बी धमकी दित्ती ही। एहदे अलावा अवामी लीग दे संयुक्त महासचिव महबुल्ल आलम हनीफ होरें फेसबुक पोस्ट राएं प्रो. यूनुस हुंदी अगुवाई आली अंतरिम सरकार गी ममारखां दित्तियां। उनें अंतरिम सरकार गी देश च होआ'रदे हत्याएं, लूट ते अगगजनी गी रोकने लेई तगड़ी गैह पुट्टने दी गुजारश कीती। अंतरिम सरकार ने अवामी लीग दी अगुवाई आली सरकार दी बर्खास्ती दे परैत सगंध चुक्की गई। तोआई शुक्रवारें गी एका महानगरीय पुलस डीएमपी दे तैहत 50 पुलस स्टेशनें चा 29 पुलस स्टेशनें दी सेवा गी बहाल करी दित्तियां गेइयां न। बाकी दे 21 पुलस स्टेशनें दा कम्मकाज शुरू होना बाकी ऐ।

<><><><><><>

PM-Crops

प्रधानमंत्री नरेन्द्र मोदी होर कल नमीं दिल्ली च मती पैदावार आली पर्यावरण मुआफक ते जैव सम्पन्न फसलें दियां कोई 109 किस्में गी जारी करगंन। कार्यक्रम दरान प्रधानमंत्री होर करसानें ते साईंसदानें कन्नै बी गल्लबात करगंन। इक ब्यान च प्रधानमंत्री हुंदे दफ्तरे जानकारी दित्ती जे 109 किस्में गी जारी कीता जाग, जिस च 61 फसलां, इंदे च 34 फसलां ते 27 बागवानी सरबंधी फसलां शामिल न। मौके पर जिमीं च लाने आलिएं फसलें च बक्ख-बक्ख अनाज ते मुअ्ता अनाज, दालां, गन्ना, कपास ते होरने फसलां शामिल न बागवानी फसलें च फल, सब्जियां, फुल्ल आले बूहटे, मसाले ते औषधि आले बूहटें खास तौरा पर शामिल न।

<><><><><><>

FM-RBI C&B

खजाना मंत्री निर्मला सीतारमण होरें बैंकें गी मुख् तौरा दी बैंकिंग उप्पर ध्यान केन्द्रित करने दी जरूरता पर जोर दित्ता। उनें एह गल्ल अज्ज नमीं दिलली च भारतीय रिजर्व बैंक दे केन्द्रीत निदेशक मंडल दी बैठका गी संबोधत करदे होई आक्खी। उनें बैंकें गी जमा ते दोहार रकम कन्नै सरबंधी मुख् कम्में गी पैहल देने गी आखेआ। इस मौके पर आरबीआई दे गवर्नर शक्तिकांत दास होर बी बैठका च मजूद हे। उनें आखेआ जे बैंक ब्याज दरें उप्पर फैसला लेने लेई अजाद न, उनें आखेआ जे जमा ते दोहारी पर ब्याज दर अपने अपने साबै होंदियां न। खजाना मंत्री होरें आखेआ जे सरकार बैंकिंग नियम तरमीम आन्ना'रदी ऐ जेहदा लम्मे चिरे थमां इंतजार हा। उनें आखेआ जे तरमीम कन्नै सहकारी बैंकिंग

क्षेत्र कन्नै सरबधत महत्वपूर्ण परतियै बनाने आलिए तरमीमां शामिल न। उनें इस गल्ला पर जोर भरेआ जे नामांकन प्रावधानें दी शुरुआत इक गाहक अनुकूल गैह ऐ जिस कन्नै एह जकीनी कीता जंदा ऐ जे गाहकें कोल व्यक्तिएं गी नामजद करने दा विकल्प ऐ ते नामजद व्यक्ति असानी नै अपने उचित अधिकारें दा दावा बनी सकदा ऐ। खजाना मंत्री होरें आखेआ जे सब्बने शा महत्वपूर्ण तरमीम च जानकारी गी सांझा करना बी शामिल ऐ। उनें आखेआ जे एह कन्नू नियामक अनुपालन लेई बैंकें दी रिपोर्टिंग तरीख गी हर म्हीने दे दुए ते चौथे शुक्रवार दे बजाएं ध्याड़े कीते जाने दी बवस्था कीती गई ऐ। एह बैठक 2024–25 दे केन्द्रीय बजट ते संसद च सरकार दे किश संशोधनं दे कन्नै माली बिल पारित होने दे किश दिनें बाद होई ऐ। बैठक च केन्द्रीय खजाना राज्य मंत्री पंकज चौधरी बी मजूद हे। उनें बैंकिंग कन्नू संशोधन बिल 2024 कल लोकसभा च पेश कीता। इस बिल दे राएं भारतीय रिजर्व बैंक कन्नू 1934, बैंकिंग विनियमन कन्नू 1949, भारतीय स्टेट बैंक नू 1955, बैंकिंग कंपनिएं उपक्रमें दा अधिग्रहण ते मुतंकिली कन्नू 1980 व संशोधन कीते जाने दा प्रावधान ऐ।

<><><><><><>

Gaza

गाजा च इजराइल आस्सेआ इक स्कूल ते मसीते उपपर कीते दे हवाई हमले च घट्टोघट्ट 93 फलसतीनी मारे गे न। गाजा सिविल रक्षा अजेंसी मताबक हमला उसलै होआ जिसलै लोक बडलै दी नमाज लेई अल-तबी-इन च किट्ठे होए हे। इजराइल ने हवाई हमले दी पुष्टी कीती ऐ ते आखेआ जे हमास इस थाहरें थमां अपना अभियान चला'रदी ही। गाजा दे सिविल रक्षा प्रवक्ता मेहमूद बसल होरें आखेआ जे उनेंगी घट्टोघट्ट 93 लोकें दियां लोथां बरामद होइयरं नं इजरादत्राइल रक्षा बल ने हमास आतंकवादिएं उपपर नशाने तांई हवाई हमले करने दी पुष्टी कीती।

<><><><><><>

Olympics Updated

पैरिस ओलंपिक्स च भारतीय पलोआन रीतिका हुड्डा नै अज्ज महिला कुश्ती दे 76 किलोग्राम वर्ग दे क्वार्टर फाइनल च किरगिस्तान दियां मेडेट क्यजी एडपरी थमां हारी गेइयां। बरोबरी पर चला'रदे इस मकाबले च मेडेट गी टैकनीकल प्वाइंट रूल कन्नै बढोतरी हासल होई गई। उआं रीतिका हुड्डा अजें बी कैह दे तगमे लेई रेपेचेज राउंड राएं खेड्डी सकदियां न जेकर मेडेट 76 किलो दे इस वर्ग च फाइनल च दाखल होई जंदियां न। उआं पलोआन रीतिका नै एहदे शा पैहले अज्ज प्री-क्वार्टर फाइनल च हंगरी दी वर्नाडेट नैगी गी 12–2 कन्नै हराइयै क्वार्टर फाइनल च प्रवेश कीता हा।

<><><><><><>

IMD

भारतीय मौसम विभाग नै मुल्खे दे उत्तरी हिस्से च कल तोड़ी भारी थमां मती भारी बरखें दी पेशगोई कीती ऐ। मौसम विभाग नै आखेआ ऐ जे कल तोड़ी हिमाचल प्रदेश, उत्तराखं डते पूर्वी राजस्थान च मती भारी बरखें दी पेशगोई कीती ऐ। मौसम विभाग नै हफ्ते दरान मध्यप्रदेश, विदर्भ, छत्तीसगढ़, कोंकण ते गोवा, गुजरात खित्ते च कुतै कुतै हल्की थमां दरमेयाने दर्जे दी बरखा दी बी पेशगोई कीती ऐ। इनै ने मौसम तमिलनाडू, पुदुचेरी, केरला, माहे, लक्षद्वीप ते कर्नाटक च बी रौहने दी पेशगोई कीती ऐ।

<><><><><><>